

文淵閣

影印

四庫全書

影印

文淵閣四庫全書

第九五二冊

北京出版集團公司
北京出版社

本冊目次

純正蒙求
排韻增廣事類氏族大全
綱目
名疑

元 胡炳文編……………一

元 不著撰人……………六一

明 陳士元撰……………五九三

欽定四庫全書

子部
純正蒙求卷上

詳校官中書臣呂光復

主事臣祁韻士覆勘

總校官進士臣朱鈐

校對官編修臣沈清藻

謄錄監生臣施華

欽定四庫全書

子部十一

純正蒙求

類書類

提要

臣等謹案純正蒙求三卷元胡炳文撰炳文有周易本義通釋諸書已著錄蒙求自李瀚以下仿其體者數家大抵襍採經傳事實排比鋪陳以為童蒙記誦之助故敘次頗鮮倫理炳文是書則集古嘉言善行各以四字屬對成文而自註其出處於下所載皆有益於幼學之事以視鉅釘割裂僅供口耳者其啓迪較為切近上卷敘立教明倫之事中卷敘立身行己之事下卷敘待人接物之事畧以白鹿洞規為準每卷一百二十句總為三百六十句卷中又各有子目每一目多者一二十句少者不過四句中間以拘於對偶格於聲韻故漏落甚多不足以盡事物之理又如

欽定四庫全書

純正蒙求
提要

黃香暖席宜入父子之倫而反入幼學見趣
條下陳子高讓田宜入長幼之倫而反入處
宗族條下其分隸亦未能悉允然童子入塾
之初正取其淺近而易曉此書詞雖奔陋不
及朱子小學之詳備而循諷可知足資感發
其於端本正始之道不可云無所裨也乾隆
四十五年十二月恭校上

欽定四庫全書

純正蒙求
提要

總纂官臣紀昀臣陸錫熊臣孫士毅

總校官臣陸費墀

純正蒙求原序

易之蒙曰蒙以養正聖功也伊川釋之曰養正於蒙學
之至善者也蓋物莫美於蒙蒙莫貴於養養莫大於正
曰蒙亨未有蒙而不亨者也曰童蒙之吉未有童蒙而
不吉者也蒙者童之初樂子之無知樂其蒙也樂子之
無家樂童蒙也童則有知矣有知則求所以養之矣養
也者不揠苗助長者也養而正者不以稂莠害嘉穀者
也瀆則不告所謂憤悱啓發者養也利貞所謂非禮勿

欽定四庫全書

純正蒙求
原序

視聽言動者養之正也養而正蒙其聖矣乎雲峰胡君
以純正名其養蒙之書會為三條倣鹿洞之規墜為三
百六十句象歲功之成旁搜博採網舉目張非苟然者
矣予識胡君金明而玉粹行懿而文華於繇之利貞彖
之養正固已允蹈之則於初之發蒙上之擊蒙何齟齬
之有是書也有益於人心之書也豈直四言韻語而已
哉予竊怪近世童子能言者其父母師長多授以長恨
歌琵琶行之類徒取其便于佔畢耳不知淫辭詖行入

耳著心如腥穢羶惡之物沈著汙膩於腸胃間使夫人
自壯至老顛倒汨沒於飲食牝牡之區而不之悟蓋所
以啓之誨之者久矣不正之書其禍于人心也孰大焉
吾故曰胡君此書有益於人心之書也時維丙戌孟夏
十有八日廬山文天佑書于星源客舍

古者聖人教人設司徒典樂之官王宮國都家塾術序
莫不有學人生八歲入小學教之以灑掃應對進退之
節禮樂射御書數之文其為教至詳也禮經所載況已

欽定四庫全書

純正蒙求
原序

三

闕遺至後世則大謬方當佩觿之年父師所以教之者
不過對偶聲律之習所以期之者不過科舉利達之事
下種不嘉受胎不正已在斯時拱把之不養安得桐梓
之可愛萌蘖之不獲安得牛山之濯濯耶無怪乎學
術日陋人才日卑風俗日不古也蒙求之書先儒為之
者凡數家矣吾邑雲峰胡君又集古今嘉言善行為一
篇名曰純正蒙求彷彿文公小學書之遺意雖其綱不
出明倫立身接物三者而蒐葺之力勤矣所以為養蒙

作聖之功宏矣余閱之累日曰粵若稽古至三萬言不
若作此編記道傍碑不失一字不若誦此編世之効於
著書者多矣未若此書有益於世教云同邑吳遜齋序

欽定四庫全書

純正蒙求
原序

三

欽定四庫全書

純正蒙求卷上

元 胡炳文 撰

蒙學宜擇嚴師故以師儒之教為先師雖嚴父母
溺愛不可也故父母之教次之教在父師學在我
故勤學又次之然學莫大於明倫故列五者之倫
而於父子加詳焉

朱子蒙訓呂氏齋規

師儒之教

宋子朱子名熹字仲晦諡徽國文公嘗作訓蒙五篇

欽定四庫全書

純正蒙求
卷上

名童蒙須知大畧一要身體端整衣冠鞋襪潔淨整
齊二要低聲下氣語言詳緩不可高聲鬨鬧浮言戲
笑行步端正不可疾走跳躑三要居處之地常掃拭
几案文字筆硯常嚴肅齊整四要讀書字字響亮心
到眼到口到寫字要一筆一畫嚴正分明五於雜細
事宜皆要謹慎

宋東萊先生呂祖謙字伯恭諡成公齋規首章云凡
與此集者以孝悌忠信為主其不順於父母不友於

兄弟不睦於宗族不誠於朋友言行相反文過遂非
者不在此位既與集而或犯同志者規之規之不可
責之責之不可告于眾而共勉之終不悛者除其籍
伯強端坐陽城斥歸

宋焦千之字伯強嚴毅方正呂正獻公公著延之教
子諸生少有過伯強端坐召與相對竟日夕不與語
俟恐懼畏伏方畧降辭色時蔡陽公希哲方十餘歲
內則父兄教督之篤外則伯強師訓之嚴故德器成

欽定四庫全書

純正蒙求
卷上

就大異眾人公嘗云人生無賢父兄嚴師友而能有
成者鮮矣

唐陽城字元宗為國子司業引諸生告之曰凡學者
所以學為忠與孝也諸生有久不省親者乎明日謁
城還養者二十輩有三年不歸侍者斥之使歸簡孝
秀德行者升堂沈酗不率教者皆罷躬講經籍生徒

忻忻

別本作斤
斤明察也

皆有法度

文潛古句武侯家書父母之教

宋張耒字文潛作古句戒子序云比隣賣餅兒每五

鼓未旦即遶街呼賣雖大風嚴寒時刻不少差也有

所警

別本無有
所警三字

示鉅詩曰城頭月落霜如雪樓頭五

鼓聲又絕捧盤出戶歌一聲市橋東西人未行北風

吹衣射我餅不憂衣單憂餅冷業無高卑志當堅男

兒有求安得閒

蜀丞相諸葛亮字孔明諡武侯家書與子瞻云夫學

須靜也才須學也非學無以廣才非靜無以成學慙

欽定四庫全書

純正家求
卷上

三

慢則不能研精險躁則不能理性年與時馳意與歲

去遂成枯落悲嘆窮廬將復何及也又云若志不強

毅意不慷慨徒碌碌滯於俗默默束於情永竄伏于

凡庸不免於下流矣

柳親和熊孟母買猪

唐柳公綽妻韓氏相國休之曾孫家法嚴肅常令粉

苦參黃連熊膽和為丸俾諸子永夜讀書含之以資

勤苦

孟子少時問其母東家殺猪何為母曰欲啖汝既而

悔曰吾聞古有胎教令適有知而欺之是教之不信

乃買猪肉以食之

君實枕圓純仁帳墨

勤學之功

宋丞相司馬溫公光字君實刻苦好學以圓木為警

枕少睡則枕轉而覺又起讀書

宋丞相范純仁字堯夫文正公之子晝夜肄業置燭

帳中夜分不寐後公貴夫人猶收其帳頂如墨色持

欽定四庫全書

純正家求
卷上

四

以示諸子曰此汝父少時勤學燈烟跡也

仲淹薤薤永叔畫荻

宋叅政范文正公仲淹字希文少與友人在長白山

讀書日煮粟米粥一器俟冷畫為四塊斷薤十數莖

酢汁半盂早晚煖而啖之如是者三年

宋叅政歐陽文忠公修字永叔四歲而孤母韓國夫

人親教公讀書質甚以荻畫地學書公敏悟過人見

輒成誦比成人舉進士

橫浦辭衣徂徠却食

宋橫浦居士張九成字子韶幼苦學隆寒衣食不給鄉人有以襲衣送者公辭之云士處貧困正是做工夫時節若不痛自節抑則貪欲心生廉恥道喪工夫安在

宋徂徠先生石介字守道王濟聞其賢困窮苦學餉以盤飧公却之曰甘脆亦某所願也將何以繼乎朝飧膏粱暮厭粗糲人之常情也所以不敢當賜

欽定四庫全書

純正蒙求
卷上

五

安中精專延平融釋

宋黃履字安中精專讀書早晨經書每誦五百遍飯後史書可誦百遍夜誦子書三百遍每誦書危坐不動句句分明

宋延平先生李侗字愿中朱夫子師也常云理會文字須令一件融釋了後方更理會一件文公云融釋二字下得極好是他經歷來所以說得如此分明

仲車嚴謹伯達整齊

父子之倫

宋節孝處士徐積字仲車事母嚴謹非大故未嘗去其側一日具公裳見貴官忽自念曰見尊官尚必具公裳朝夕見母乃不具公服乎一日母在外家幃頭晨省外氏諸婦大笑之如此旬日雖屢笑不易自是至老彌恪且曰已之行敬自此始

魏司馬朗字伯達父防不命之進不敢進不命之坐不敢坐不問不敢言父子之間其整齊如此

顧悌設几夢孫更衣

欽定四庫全書

純正蒙求
卷上

六

吳顧悌字子通以孝悌廉正聞為偏將軍每得父書整衣設几舒書其上拜跪讀之畢復再拜或疾耗之問至則臨書垂泣聲更嗚咽

南唐江夢孫事繼母旦則冠帶溫清親具侍膳畢退更常服力操耒耜暮歸更衣侍膳乃退就庠序時號縉紳先生

仲由藜藿季偉蔬飯

仲由見夫子曰負重涉遠不擇地而休親老家貧不

擇祿而仕昔常食藜藿為親負米百里外親沒南遊於楚從車百乘積粟萬鍾欲食藜藿為親負米不可得已樹欲定而風不止子欲養而親不在子曰由也可謂生事盡力死事盡思者也

東漢茅容字季偉年四十餘耕於野與等輩避雨樹下眾皆夷裾容獨危坐愈恭郭林宗見而異之因請寓宿容殺雞為饌林宗謂為已設既而以供其母自以菜蔬與客同飯林宗起拜之曰卿賢乎哉因勸就

欽定四庫全書

純正家訓
卷上

七

學

姜詩供鮓戴良效驢

東漢姜詩字士遜事母至孝妻龐氏奉順尤謹母好飲江水水去舍六七里妻常泝流而汲後值風不時得還母渴詩責而遣之妻寄止鄰舍晝夜紡績市珍羞使鄰母以意自遺如是久之姑怪問鄰母具對姑慚感呼還恩養愈篤姑嗜魚鮓又不能獨食夫婦力作供魚鮓呼鄰婦共之舍側忽湧泉味如江水每旦

輒出雙鯉常供二母膳

東漢戴良字叔鷹性至孝其母每聞驢鳴則悅良常效之以悅其母

伯瑜悲泣志寬痛苦

韓伯瑜有過母杖之泣母曰往者杖汝常悅而受之今何泣也對曰往者得杖常痛知母康健今杖不痛知母力衰是以悲泣

欽定四庫全書

純正家訓
卷上

八

唐張志寬為里正詣縣稱母疾急求歸令問狀曰母常有所苦志寬亦有所苦今患心痛知母有疾令怒其妄繫之獄馳驗如其言遣之

黔婁嘗糞蔡順舐吐

南齊庾黔婁為孱陵令到縣未旬日父易在家遘疾黔婁忽心驚舉身流汗即日棄官歸家時父疾始二日醫云欲知差劇但嘗糞甜苦黔婁嘗之味轉甜滑心愈憂苦每夜稽顙北辰求以身代

東漢蔡順字君仲少養母甘口之物不敢先嘗母因

酒吐恐中有毒乃舐其吐

伯休卧地季義負土

宋司馬康字伯休丁母憂勺水不入口三日杖而後能起治喪皆用禮經家法父溫公薨執喪如夫人哀毀有加焉蔬食卧地得腹疾親戚勉以食肉終不肯晉許孜字季義親沒負土成墳人有助者晝不逆夜除之每一悲哀鳥獸翔集列植松栢五六里一日鹿犯栽松孜嘆曰鹿獨不念我乎明日猛獸殺鹿至犯

欽定四庫全書

純正蒙求
卷上

九

所孜悵快埋鹿猛獸即至前自撲死孜又嘆而埋之後樹木滋茂立宅墓側奉亡如存鷹雉同棲獸鹿擾于庭

王裒泣雷許會號雨

王裒字偉元痛父儀以非命死隱居教授三徵七辟皆不就廬于墓側旦夕攀栢悲號涕淚著樹樹為之枯母性畏雷母沒每雷輒到墓所曰裒在此

許伯會母喪負土成墳野火將逮塋樹悲號于天俄

雨火滅

陳烈晦朔孟詵至分

宋陳烈字季慈性介特篤於孝友年十四失恃怙水漿不入口五日自壯迨老奉享如事生禮寢興晦朔未嘗輟

宋孟詵家祭儀每用二至二分司馬溫公云令仕宦者職事既繁但時至事暇可以祭則卜筮不必亥日及分至也若不暇卜日則止依孟儀用分至於事亦

欽定四庫全書

純正蒙求
卷上

十

便

考亭祭墓稱圭拜墳

朱夫子號考亭成子塾云終天之痛無以自贖惟有歲時祭祀致其謹潔猶是可著力處又曰比見墓祭土神之禮全然滅裂吾甚懼焉既為先君托體山林而祀其主者豈可如此今後可與祭墓一樣以盡吾寧親事神之意勿令少有隆殺

宋丞相魏國韓忠獻公琦字揮圭寒食親拜祖墳因

作詩曰春色清且明節盛一百五寒食遵遺俗撥火
霽新雨非才忝國恩因病得吾土何以知殊榮此日
奉宗祖芳香達孝誠優若侍容語禮成無一違觀者
競如堵

丁蘭木像冠準錘痕

丁蘭事母至孝刻木為母事之蘭疾妻誤燒其面應
時髮落如割遂放其妻大哭不止

宋丞相萊公寇忠愍公準字平仲少時不拘小節愛

欽定四庫全書

純正家範
卷上

十一

飛鷹走犬太夫人性嚴每不勝怒舉稱錘投之中足
流血由是折節從學及貴母已亡每捫其痕慟哭

張數存扇劉恕聞鈞

南史張數生而母亡數歲便有感慕之色十歲求母
遺物惟得一扇乃緘藏之每至感恩開筭流涕

宋劉恕字溫叟父名嶽終身不聽樂不遊嵩華每赴
內宴聞鈞奏號泣不已謂若非君命不敢至此

范宣捧手樂正傷足

晉范宣字宣子幼時誤以刀傷手捧手改容人問痛
耶曰不足為痛但受全體而致毀傷不可處耳

禮記樂正子春下堂而傷其足數月不出猶有憂色
門人問曰夫子之足瘳矣數月不出猶有憂色何也
樂正子春曰善如爾之問也善如爾之問也夫父母
全而生之子全而歸之故君子頃步而不敢忘孝也
今余忘孝之道是以有憂色也一舉足而不敢忘父
母是故道而不徑舟而不游不敢以先父母之遺體

欽定四庫全書

純正家範
卷上

十二

行殆一出言而不敢忘父母是故惡言不出於口忿
言不反於身不辱其身不羞其親可謂孝矣

劉歊知意景初惟欲

南史劉歊奉母寢食不離左右母意有所需口未及
言歊已先知手自營辦狼狽供奉

宋晏敦復字景初性至孝居官時晨必問安後出理
公事晝則親饋膳畢乃敢退食夜則溫清俟寢室乃
敢退休于私室陰雨必拱立母側恐其聞雷而驚或

出遇雷必馳歸而問母疾躬治醫藥通夕不解帶雖老服勤不替所得祿盡以奉甘旨惟母欲觀意承志不待言而行

趙際郡封曾參吏祿

宋參政趙康靖公際字叔平會郊祀進階封任一子京官公乞以封母郡太君宰相曰方為學士封擬不久公曰母八十二朝夕不可期願及今為榮許之曾子曰往而不可還者親也推牛而葵不如雞豚之

欽定四庫全書

純正蒙求
卷上

十一

逮親存也初吾為吏祿未及釜尚欣欣有喜色非以為多也樂其逮親也既沒之後吾南游于楚得尊官焉堂九尺傳百乘然而北面涕泣非以為賤也悲不逮親也

朱泰遇虎睽子羣鹿

宋朱泰少貧事母至孝嘗憩足山中遇虎負去泰瞑眩行百餘步忽醒呼曰虎為暴食我所恨母無託耳虎忽棄之泰疾走以免

睽子嘉夷國人父母年老喪目睽子孝養甚至時亂取水不得乃衣鹿皮隨羣鹿往山中取水值君王出獵射中之睽子哀泣告曰身死不足惜所恨母年老無人侍養言訖君王舍之

顏含蛇膽修之石英

晉顏含字弘都少以孝聞親及兩兄繼沒嫂樊氏失明藥須蚺蛇膽備求不得憂歎累時忽一童子授以青囊開視之蛇膽也童子出戶成青鳥飛去

欽定四庫全書

純正蒙求
卷上

十四

北史梁彥光字修之少岐嶷父謂所親曰此兒風骨當興吾宗七歲父篤疾醫云餌五色石可愈時求紫石英不得彥光憂悴忽於園中見一物怪而持歸則紫石英也

王祥雀炙查道魚羹

晉王祥性至孝繼母朱氏不慈祥愈恭謹父母疾衣不解帶湯藥必親嘗母欲生魚時天寒冰凍祥解衣將剖冰求之冰忽自解雙鯉躍出母又思雀炙復有

黃雀數十飛入其幕

宋查道字湛然母病思鰕魚羹方冬苦寒無有市者道泣禱於河鑿氷脫衣以取之得鰕尺餘以饋母疾遂愈

長盛得董叔謙訪藤

晉劉殷字長盛曾祖母王氏盛冬思董而不言食不飽累日殷時九歲問而知之乃於澤中慟哭曰殷罪深重不能奉養皇天后土願垂哀憐聲不絕者半日

欽定四庫全書

純正蒙求
卷上

十五

忽聞人止之收淚視地有董生焉

南史解叔謙母有疾叔謙夜於庭中稽顙求福聞空中語云此病得丁公藤為酒乃差即訪醫無識者訪至宜都遙見山中一老伐木問其所用答曰此丁公藤療風尤驗叔謙即伏地流涕具言來意翁愴然以四段與之并示以漬酒法叔謙受之顧視不見依法為酒母病即愈

文貞免擾支漸鳥鳴

唐文貞少從軍守邊逮還親沒自傷不得養親即穿墻為門晨夕洒掃廬墓側喑默二十年家人有問書文以對會官改新路出文貞廬前行旅見之皆為流涕有甘露降塋木白兔馴擾

宋文漸喪母既葬廬墓日三時號慕躬行膝步負土成墳有雙白鶴徘徊松上又有異鳥一目如丹漸每哭鳥亦悲鳴久之有羣鳥翔集中一白鳥獨日至又有五色鳥萬餘隨漸行哭七日而去

欽定四庫全書

純正蒙求
卷上

十六

伯子存心諸葛盡力君臣之倫

宋子程子名顥字伯淳諡純公號明道先生嘗曰苟存心於愛物自一命以上皆可以行志及作縣凡坐處皆書視民如傷四字嘗曰某常愧此四字蜀諸葛孔明為相開誠心布公道集衆思廣忠益出師表云臣鞠躬盡力死而後已至於成敗利鈍非臣之明所能逆覩也

君行不欺知節大直

宋李潛字君行虔州人入京止泗州其弟子請曰科場近欲先至京師貫開封戶籍取應君行曰汝虔州人而貫開封戶籍欲求事君而先欺君可乎寧遲緩數年不可行也

宋馬知節字子元遇事審審未嘗顧憚王欽若丁謂用事每廷議輒面詆之常從真宗東封上賞王旦等曰卿等久蔬食不易旦等再拜知節獨言蔬食惟陛下下一人旦等與臣同次舍無不私食肉於是旦等復再拜曰誠如知節之言范文正公嘗稱之曰有犯無隱天下謂之大直

張觀四字堯俞三德

宋張觀為叅政劉安世初登科與二同年謁之請教公曰某守官以來常持四字曰勤謹和緩中一後生曰勤謹和既聞命矣緩之一字如何曰甚事不因忙後錯了

宋傅堯俞字欽之性淳厚與人語惟恐傷之至論事

欽定四庫全書

純正蒙求
卷上

十七

上前無所回隱左右為懼公益安徐不見聽不已平旦自奉甚約其在徐前守侵用公使錢公為償之未足而公罷後守反以文移公當償千緡公竭資且假貸償之卒不辨溫公曰清直勇三德吾於欽之畏焉邵堯夫曰欽之至清而不耀至直而不激至勇而能溫此為難耳

仲偃仰天果卿罵賊

宋劉韜字仲偃嘗守真定敵入真定父老號曰劉資

欽定四庫全書

純正蒙求
卷上

十八

政在鎮豈有此禍敵益知其名未幾為敵所執欲用之齡仰天大呼曰有是乎歸而召親信謂曰敵欲用我我有死耳即沐浴更衣酌卮酒以衣絛自縊燕人雜然嘆曰劉相公忠臣也

唐顏杲卿性剛正安祿山反杲卿守常山日夜拒賊糧盡矢竭被執瞋目罵曰汝本營州羯奴耳天子何負於爾而反我唐臣恨不斬汝以謝上臊羯奴何不速殺我祿山大怒縛諸橋柱而梟之比死罵不絕口

賊鈞斷其舌果卿猶含糊而絕諡忠節

王質子產張詠孔明

宋王質字子野通判蘇州州守黃宗旦得盜鑄錢百餘人喜以託公公曰事發無迹何從得之曰吾以術鈞出之公惻然曰仁者之政以術鈞人置之死而反喜乎宗旦慚服悉緩其獄大稱曰君子人也權知荆南府民有訟昏者訴曰貧無貲故後期問其用幾何以俸與之獲盜竊人衣者曰迫于飢寒爾公憐而取

欽定四庫全書

純正蒙求
卷上

九

已衣衣之遣去荆人比公為子產

宋張忠定公詠字復之號乖崖嘗曰事君蘆不言貧勤不言苦忠不言已効功不言已能斯可以事君矣守成都賊黨有殺耕牛避罪逃亡者公許其身首拘其母不出拘其妻即來斷云禁母十夜留妻一宵倚門之望何疎結髮之情何厚就市斬之一日見吏抱小兒廊下戲小兒怒批其父公曰幼已如此長豈不為亂殺之公用法之嚴大抵似諸葛孔明孔明與公

遺愛在蜀今皆尸而祝之社而稷之

龐籍畏法孫沔盡誠

宋龐籍字醇之精於法令嘗曰大臣當遵畏天子法其敢自為輕重耶

宋孫沔字元規自謫官起復往見杜祁公乞一言自勵公曰為吏當盡誠以行事不在生事也孫頓首奉教

中立德業萬福威名

欽定四庫全書

純正蒙求
卷上

十

唐裴度字中立功名震四夷使外國者必問度年令幾貌孰似天子用否其德譽勲業比郭汾陽而用不用為天下重輕事四朝以全德終始及沒天下莫不思其風烈

唐張萬福字正己及德宗以萬福為濠州刺史召謂云先帝改爾名正己者所以褒也朕惟江淮草木亦知爾威名若從所改恐不曉是卿復賜舊名萬福馳至渦口賊兵倚岸熟視不敢動

狄張取日巡遠守城

唐武后登寶位寵幸二張易之昌宗唐宗室誅戮殆盡中宗幽廢房陵狄仁傑張柬之忠憤激切挽回天日晦庵有詩曰向非狄張徒誰辨取日功

唐張巡與許遠同年生遠日月後於巡呼為兄尹子奇攻睢陽巡日中二十戰氣不衰七日食盡救兵不至巡出愛妻曰吾恨不割肌以啖衆寧惜一妻而坐視士飢乃殺以大饗遠亦殺童奴至羅雀掘鼠煮鎧弩以食賊圍益急士病不能戰巡西向拜曰巡生不能報陛下死當為厲鬼以殺賊城遂陷與衆俱執死之昌黎韓愈曰守一城捍天下以千百就盡之卒戰百萬日增之師蔽遮江淮沮遏其勢天下不亡其誰之功也

魯人閉門顏叔秉燭

夫婦之倫

魯柳下惠姓展名禽遠行夜宿都門外時大寒忽有女子來託宿下惠恐其凍死乃坐之於懷以衣覆之

至曉不為亂魯有獨處室者鄰有嫠婦夜暴風雨室壞趨而託之魯人閉門曰男女不六十不同居今皆幼不可納婦人曰下惠煦嫗不逮門之女國人不稱其亂魯人曰下惠則可吾固不可吾將以吾之不可學下惠之可孔子聞之曰善哉欲學下惠者未有似於此也

魯顏叔子獨居一室夜大雨比舍屋崩有一女子投之叔子令女子執燭燭盡破屋以繼至明無二志

欽定四庫全書

純正蒙求
卷上

張湛於嚴何曾整肅

東漢張湛於嚴好禮動止有則居處幽室必自修整雖遇妻子若嚴君然三輔以為儀表

晉何曾至孝閨門整肅無聲樂嬖幸之好與妻相見正衣冠如賓已南面妻北面再拜上酒酢酌已畢便出一歲如此不過再三

令女截鼻房妻剔目

魏曹文叔妻夏侯氏名令女文叔早死自以年少無